

UMUTWE W'ABASHYIRAHAMWE B'URWANDA.-

Ku Bashyirahamwe b'Urwanda bose.

Bavandimwe,

Nkuko amategeko y'inshinga agenga Umutwe w'Abajyirahamwe abivuga TUGOMBA kugera . . . ku ntego yacu y'UBWIGENGE mu mahoro no mu bumwe. Mul'iki gihe cy'akaga Abanyarwanda bamwe bisubiraniyemo biterwa n' amoshya y'ubugira nabi, bakaba bamennye amaraso y'abavandimwe; dusabye uwitwa "Umushyirahamwe" wese kwiyumanganya ntahere umuvandimwe.

Murusheho kwifatanya mul'ibi bitotezo, twunge ubumwe dukomeze kunyura mu nzira y'ukuri ngo turwanya akarengane; no gusubiranamo.

Byaragaragaye rwose ko ibyagiye byandikwa mu binyamateka bibeshyera Umutwe w'Abashyirahamwe, biwuteranya mu mpande zose bitewe n'ubwanzi, byaragaragaye kw'aribinyoma rwose; Inama iyobora Umutwe ~~w~~ w'Abashyirahamwe varabihakanye byeruye, ibiranga hose ibibeshyuza.

Aho ~~ho~~ iyi ntambara y'ibyago mu Rwanda yaturutse murahazi; abayiteye azabibazwa n'abakuru babigenewe ndetse n'Inama ikunda Urwanda izarukiza aya makuba; abanzi bashaka kurutandukanya ngo rucike intege bazananizwa n'U-bushyirahamwe bw'arwo.

Cyakora Inama iyobora "Umutwe w'Abashyirahamwe" yabimenyesheje abakuru ba Leta Mbirigi iturera, yanatabaje n'Inama y'Abibumbye ngo babihagararemo.

"Bashyirahamwe mwese nimukomeze urunana rwanyu mureke kwisubiranamo ngo mwicane mwese mur'abavandimwe mur'abana b'Urwanda, kuko naba bari mugice mudahuje n'abo ~~n~~ nabana b'Urwanda nkamwe, reka reka nimureke kwisubiranamo nka bariya babyohajwe ahubgo nimukoreje intege zanyu zose kugira ngo amahoro n'umubano bigaruke vuba mu Rwanda rwa KIGELI, Umwami - N'arambe ku NGOMA.

URWANDA RURAKANAMA.

Nyanza, le 6 Novembre 1959.-

Inama y'Ubuyobozi
bw'Abashyirahamwe.,
PRESIDENT: RUKEMA.Fr.,

